ҒАФУР ҒУЛОМ

шум бола

І бўлим

Расталар обод. Қаймоқ бозорининг бурилишида, маҳкаманинг бошида Илҳом самоварчининг каттакой чойхонаси булиб, унда граммофон чалинади. Турли-туман пластинкалар орқали Туйчи ҳофиз, Ҳамроқул қори, Ҳожи Абдулазиз ва Фаргона яллачи хотинлари кетма-кет мақомлар, яллалар, ашулалар айтади. Чойхонада жой етишмайди. Узун раста, жуҳуд раста, атторлик ва бошқа расталарнинг бойваччалари савдодан буш вақтларида бу чойхонага йитилиб меҳмонхонамардек ўртада катта баркашлардан қанд-қурс, пистабодом, мураббо-нишолда, обинон, ширмой нонлар билан шамалоқ безатилган дастурхон атрофида чақчақлашиб ўтиришади. Баъзи бойваччаларнинг дастурхонида қорнига қалдиргоч сурати солинган, устига похолтан тур туқилган коньяклар ҳам куринар әди.

Бу чойхонага бозор-ўчарга санғиб тушиб қолган деҳқон, камбағал косиб, қозоқ, қирғиз ва бошқа оддий

фукаро киролмас эди.

Самоварчи Асра кал деган хипчадан келган, қотма, эпчил йигит эди. Устида олди очиқ яктак, оёгида қала кавуш, зангори шоҳи қийиқ боғлаган, елкасига холпаранг рўмол ташлаган хушфеъл йигит эди. Чойхўр бойваччалардан бирортаси:

- Acpa!

Ёки:

— Кал! — дейиши билан:

— Лаббай, мулла ака, чойми, чилимми? — деярдида, дарров бир қўлида кичкина чойнак, иккита кичкина хитой пиёла ё бўлмаса ярқираб турган каттакон мис чилимнинг сархонасига тамаки босиб, устыга чўг қўйиб, бир-икки қулдиратиб тортиб, пишитиб, кашанданинг хизматига югурар эди.

Бу чойхонада мени махлиё қилган нарсаларнинг бири кираверишнинг шифтига илиб қуйилган катта, симларига зархал берилган ҳар хил туморлар, байроқ-

чалар билан безатилган қафас ва бу қафасдаги жонли тўти эди, ўлиб кетай агар, тирик тўти эди. Патларининг ранг-баранглиги Ойша чеварнинг иш қутисидаги ипаклардай товланар эди. Кўк, қизил, зангори, сариқ, оқ, пушти, жигарранг, гўлос, пистоқи — боринг-чи, дунёда қанча ранг бўлса, шу тўтининг патида бор эди. Айниқса, бу тўти қурмагур шунақа ҳам бийрон эдики, эндитина тилга кираётган уч яшарлик қизларнинг овозига ўхшатиб:

«Асра, Асра! Меҳмонга қара, бир чой, бир чилим. Келинг, мулла акалар, келинг, бойваччалар», дегани ҳали ҳам қулоғимдан кетмайди.

Биз яланг оёқ, бўз кўйлак-иштонли, кир-чир болалар тўтига яқинлашиб:

— Тўти, тўти...

— Тўти-тўти...— деб қичқирар эдик. Асра кал бизви қувлар эди, қўлига тушсак урарди. Тўти бўлса орвамиздан:

— Бувингни... — деб сўкарди.

Бозорда санкиб юрган биз дайди болалар учун кувончли эрмаклардан бири бозор, махалла, куча-куй жиннилари эди. Уша йилларда Тошкентда, шунака хам жинни куп эдики, санаб саногига етолмайсиз: Малла жинни, Карим жинни, Майрамхон, Хол паранг жилжинни, Тожихон, Жуфт каптар, Олим жинни, Эшон рйи. Овоз жинни ва бошкалар... Хар бир жиннининг ўзига хослиги, тантиклиги, «ширин» лиги бор эди. Карим жинни суккани-суккан эди. Унга на худо, на пайгамбар, на Шохидоят хожи-ю, Орифхужа эшон ва Олим кози-ю, Шарифжон Дума — бари бир сўкаверар эди. Етти пуштидан тортиб, астар-аврасини ағдариб сўкаверар эди. У илгари бўзчи экан, чит кўпайиб кетганидан кейин бўз ўтмай колиб, бозори касодга учраб, бола-чакасини боколмай, жинни бўлиб колибди, деб вшитганман.

Эшон ойи деган хотин ҳам жинни эди. У қирқ-қирқ беш ёшлар чамасидаги қорачадан келган, хушқомат, қаламқош бир хотин эди. Бу хотин аслида қаландар-хоналик Миттихон тўрам деган эшоннинг хотини бўлиб, эшон шу хотиннинг синглиси билан ўйнашиб турганида, устидан чиқиб қолиб, жинни бўлиб қолган экан.

«Жуфт каптар» га хукуматдан теккан эди. Николай борми, Кауфман борми, Мочалов борми, Наби ўгри деган миршаб борми — хаммасини бир қозон қилиб, мар-

табасининг пасти баландлигига қарамай сукаверар эдж.

Хол паранг таги қўқонлик экан, Қўқонда бахмал тўқир экан. Кейин дўкон-дастгохига ўт тушиб кетиб, жинни бўлиб қолибди.

Аваз бўлса хаваскор жиннилардан эди.

Кунлардан бир кун Тожихон жинни битта кетмон даста билан ўтган-кетганни қувлаб уриб-сўкиб: «Хам-манг бир томонга юр, тарқалиб юрма! Тартиб керак, интизом керак», деяр эди. Хеч ким унга бас келолмас эди. Шунда Олим жинни келиб қолиб:

- Хой, хой, нима деяпсан, жинни?— деб сўраб колди.
- Нимага одамлар бир томонга юрмасдан, ҳар ҳаёҳҳа тарҳалиб юради? Николай пошшо замонида тартиб-интизом керак, бир томонга юрсин-да!

Вунга Олим жинни:

— Аҳмоқсан, Тожи, аҳмоқсан. Ер, ахир, тарозига ўхшаган нарса бўлади, ҳамма бир томонга юрса, ер бар-кашдай бир ёққа оғиб, ҳаммамиз Қурдум дарёга ғарқ бўлиб кетамиз-ку,— деди.

Зирапчани нина билан олгандай, жиннининг гапи жиннига маъкул тушиб, одамларни уришдан тўхтади.

Жинниларнинг ичида ўзига хос тантиқларидан бири Майрамхон эди. Асли исми Маматраим бўлиб, халққа «эрка» бўлганидан «Майрамхон» деб атар эдилар. У эскидан чилангар экан. Кетмоннинг зуготаси, эски тиш, оташкурак, тунука қайчи, шунга ўхшаган эскитуски темир-терсакларни бир симдан ўтказиб, бошига кийиб юрар эди. Уз қўли билан овқат емас эди. Унинг бозордаги майда косиблардан ихлосмандлари кўп эди. Бешикчилар, тароқчилар, дугчилар Майрамхонни ўз қўллари билан овқатлантиришни «бахт» деб билар эдилар. Гўё Майрамхон, бирор косибнинг дўконига бориб эгаси қўлидан овқатланса, шу дўконга қут-барака кирган ҳисобланар эди.

Темир-терсак асбоблар заводдан чиқа бошлагандан кейин Майрамхон «синиб» жинни бўлиб қолган экан.

Хуллас, Тошкентда жинни кўп эди. Баъзи кунлар бир жиннига тош отиб, иккинчи жиннини ўйинга солиб, учинчи жиннидан калтак еб, кеч кириб қолганини ҳам сезмас эдик. Намозгар-намозшом ўртаси уйга қайтиб аталами, умочми, мошқовоқми, мошхўрдами, угра оши апир-шапир ичиб, яна кўчага чопар эдик.

Махалламизнинг бир томони Тиконли мозор, бир томони Қурғонтаги. Узун кучанинг ўнг, чап томонида-

ги пасқам, тор кўчаларда ўгил ва қиз болалар тўпланиб, ҳар хил ўйинлар ўйнаймиз. Кураш, «ботмон-ботмон», «оқ теракми-кўк терак», «қушим боши», «минди-минди», «ўгри келди», «бекинмачоқ» деган ўйинларимиз бор.

Булар ҳаммаси оҳшом ўйинлари, кундузги ўйинлар бошҳача: ҳар хил ошиҳ ўйинн, ёнгоҳ ўйини, тўп ўйини, зумчиллаҳ ўйини, ёв-ёв, ўҳ камалаҳ отиш, ялангоч пойга, от ўгриси ва ҳоҳазо. Хуллас, на кечаси, на кундузи ўйин важидан тахчиллиҳ тортмас эдиҳ.

Оталаримизнинг кўпчилиги майда косиблар, қоровул, ходимгар, мешкоб, отбокар, хаммол, сўфи, фолбин, аркон товлайдиган, ногора-чилдирма коплайдиган, тўкимдўз, чегачи ва хоказо бўлганликлари учун уларнинг кўлидан хунарларини олиб ёки уларнинг ёнига кўмакчи бўлиб тушиш бизга тўгри келмас эди. Оталаримизнинг ўзига иш топилмаганда, бизга иш каёкда дейсиз. Эртадан-кеч кўча чангитиб хамманинг жонига тегиб, кампирлардан каргиш эшитиб, ўспиринлардан калтак еб, сандироклаб юрадиган увинтўда бекорчи болалармиз. Битта кўлом-кўргошин куйилган рангдор ошик ёки дугчилар кириб берган мугуз сокка ёки ёнгок сокка, хеч бўлмаганда, бирорта соатнинг копкоги бизнинг катта давлатимиз хисобланади.

Рамазон ойида ўйинимизнинг турлари яна кўпайиб нетади. Оншомлари махаллада эшикма-эшик юриб, рамазон айтамиз. Намозшомдан сахарлик ошгача маунтма-мачит юриб кориларнинг кироатини эшитамиз.

Айникса, ойдин окшомлар маза килиб ўйнаймиз. Ка, куз, бахор вактларида-ку, кўчаларимиз тупрок бўлганлиги учун, юмшоккина, маза булар эди, аммо киш кунлари белгача лой, боткок булганидан уйинларни натта майдонларга ёки бостирма йўлкаларга кўчирамиз. Хар махаллага биттадан шахар думахонаси ўтказган хира фонусларнинг ичида еттинчи пиликли керосин чирок ёнар эди. Бу чирокларни хар куни кечкурун нарвон кутарган чирогоон керосинидан, пилигидан хабар олиб, шишасини артиб ўзи ёкиб, азонда ўзи ўчириб кетади. Бу куча фонусларининг ёруги унча булмайди. Узокдан қараган кишига қоронғидаги мушукнинг бир кўзига ўхшаб йилтираб кўринади. Четига харсанг терилган тор кучалардан кетувчи йуловчиларга узокдан «мен бор» дегандек, кизгиш шуъла курсатса хам ёруг бермайди. Бу чирокларнинг тагида ўйнаб бўлармиди? Катта кишилар хам хуфтонни ў кир-ў кимас соат еттисаккизлардаёқ уйга кириб кетишади. Кўчада зог учмайди. Фақатгина бекинмачоқ ўйнаб юрган бизлар қоламиз. Хулласи калом, ўйинимиз кўп.

«Қушим боши» шунақа ўйин: болалар икки тўдага ажралиб, улар ичидан иккитаси «онабоши» бўлади-Улар битта латтани қушта ўхитатиб тугади. Хар икки бола бир-бирига шивирлашиб, бир қушнинг отини яширишади. Суттими, балиқчими, читтакми, қумрими, итолғими, қиргийми, миққийми — бирор қушнинг номини яширишади. Кейин болаларга латтадан қилинган қушни кўрсатиб:

—Қушим боши шунча, тана-манаси билан мана шунча, топинг нима? — деб савол беради.

Болалар жавобга ошиқиб чуввос билан:

- -Калхат! дейишади.
- Йўқ, тополмадинг,— деб жавоб қайтаришади онабошилар.
 - Товуқ.
 - Йук, тополмадинг.
 - Зарғалдоқ.
 - Йў;;, тополмадинг.
 - Укки.
- Топдинг, топдинг!— деб тан беришади онабочилар.

Уша замон топган томон топмаган томонни биттабитта миниб олади. Хаммаси баравар «хих, эшагим», деб маълум белгиланган жойгача опичиб боради. Уша ерга берганда онабошиларга болалардан биттаси: «Отликми, яёв?» — деб савол беради, агар онабоши:

— Ост-устига, — дегудай бўлса, минганлар тушиб, миндиргандар унга опичиб олади.

Шунда ашулаларимиз ҳам бўлади:

Жум-хум қазрати хум, Умарали хону Мадалибек, Мадалибокичит замонида Тарала гижбаяту Тарала гижбаят.

«Ядангон пойга» деген ўйницина яхши ўйни. Иккита дўнятны чакилларимнога боглаб, отнине кулогига ўхшатиб орца этанларимняен тугиб дум княнб, турли масофага ним ўзарга югустульства. Визинки Тиконли мозор. Қаратош, Яланқари. Олмазор, Девонбеги, Қўргонтаги, ята Тиконли мозор мацаллалари бійлаб ўзган масофада — тамминан, уч чацпримча келадигай бир

допрада ўтназилади. Олдин келган болаларга чапак чалиб, баракалла айтиб, хурмат кўрсатамиз. Иккинчи пойтагача у зўр хисобланиб юраверади.

Кураш ўйинимиз бўлса, ўзингизга маълум.

Уйинларимизнинг ҳаммасини бир чеккадан таъриф ҳилаверсам, гап чузилиб кетади.

Бизнинг маҳалламиз кичкинагина бўлса ҳам гавжум. Карим қори деган газламафуруш, Ёнуб қовоқ деган мумфуруш, Абдуллахўжа деган бўёкфуруш бойларни ҳисобга олмаганда, қолганлари босмахона ва қандолатхона (кондитерский) ишчилари эди. Маҳалламизда иккита мачит, битта чойхона, иккита баҳқоллик бор. Самоварчи — Қодир ака деган ялангтўш киши. Мачитнинг биттаси Тиконли мозорда, иккинчиси — Еттимачит — Қўрғонтагида. Ҳар икки мачитнинг ҳам ёнида мактаб бор. Маҳалла имомлари ўз навбатида ўқитувчи. Тиконли мозор мачитида Шамси домла муаллим, Қўрғонтагида Ҳасанбой домла ўқитади.

Мен Ҳасанбой домлада ўқидим. У бизларни «Қафтияк» дан эмас, «Устоди аввал» китобидан ўқитиб, тез саводимизни чицарди.

Махалладаги менинг ўртоқлари: Омон, Ит Обид, Бит Обид, Туроббой, Йўлдош, Хусни, Солих, Абдулла Пўлатхўжа, Миразиз ва бошқалар.

Омоннинг отаси Турсунбой ота қаламтарош-пичоқ қилади. Хотини ўлиб кетиб, бева яшайди. Омон ёлғиз ўгил.

Ит Обиднинг отаси Зохид ака яканчи (эеки-туски йигувчи) эди.

Бит Обиднинг отаси Расулкўзи ака кин тикар эди. Туроббойнинг отаси Зиямат ака гўзафуруш эди.

Йўлдошнинг отаси Бувака бўлса кўн этик тикар эди, лекин ёшлигида ўлиб кетиб, Йўлдош ота-онасиз шум етим эди. Бизларнинг кўп маслаҳатимиз Йўлдошчнинг уйида бўлар эди.

Хуснибийнинг дадаси Омонбой бўйинча тикар эдн. Солихнинг отаси Юнус ака хофиз эди.

Абдулланинг отаси Азиз ака керосинфуруш эди. От-арава билан кўчама-кўча юриб «Нобель» ширкстичнинг керосинини сотар эди.

Пўлатхўжанинг отаси қалъа савдогари бўлиб, бешолти йиллаб Қашқарда, Ирбитда савдогарчилик билан юрган йилларида онасининг қорнида «олти ойлык ёнишиб қолиб», дадаси келган йили уч ойдан кейин тучилган экан.

Уста Миразиз этикдўзликда менинг устам. Отаси Салимбой сўфи қушхонадан сўнгак олиб келиб қайнатиб, ётини олиб тирикчилик қилар эди. Сўфи ота ўз вақтида — 1860 йилларда Ёқуббекнинг аскари бўлиб, Қашқар қўзголонида битта хитой қизини ўлжа қилиб от орқасига мингаштириб олиб келиб, мусулмон қилиб никохлаб олган экан. Унинг хитойча отини Бахтибуви деб ўзгартирган. Миразиз ака Бахтибувининг уч ўтлидан энг кенжаси.

Маҳалламиздаги мен танийдиган қўни-қўшнилари миз мана шулар, эсимдан чиққанлари бўлса, эсимга тушганда йўл-йўлакай айтарман.

Шундай қилиб, бу фалокатли ишни Йўлдош бошлади. Маҳалланинг бир тўда ўспирин болалари Лайлакмачитнинг жиловхонасига йиғилиб, ошиқ ўйнамоқда эдик. Мен бугун жуда кўп ютган эдим. Олача яктагимнинг чўнтаги, енгим, липпам ошиққа тўлиб кетган эди.

- Болалар қанда, ошиқлар манда,— деб севинч билан қичқирмоқда эдим. Худди шу орага Йўлдош шилқим суқилдию, ишнинг пачавасини чиқарди. У бари моғорлаб кетган сурп яктагининг этаги билан бурнини арта-арта гапира бошлади:
 - Болалар, халфана қиламизми?
 - Бўпти, қиламиз.
 - Қаерда?
 - Ризки халфанинг кўчиб кетган ховлисида.
 - Бўпти.

Халфанага палов қилмоқчи бўлдик. Масавур оталиқнинг набираси Омонбойнинг ўгли Хуснибий ошпаз бўладиган бўлди. Қозон, чўмич, туз, қалампир, сув — ундан. қолган масаллиқларини шу йўсинда тақсим қилдик: гуруч билан сабзи — Йўлдошдан. Гўшт — Абдулла дўлвордан. Ёг — мендан. Қолган-қутган нарсалар — Пўлатхўжа муғамбирдан. Хамма ҳар тарафга қараб кетди. Мен ҳам ёг келтиргани уйга кетдим. Онам ошхонада ертандирга ўт қалаб, қовоқ сомса ёпиш тараддудида эди. Бизнинг рўзгор майда-чуйдалари зах уйнинг орқасидаги узун ҳужрада бўлар эди. Айвонда ўртанча синглим кичик укамни овутиб ўтирган экан. Унинг ёнидан ҳужрага киришнинг эвини тополмадим, бирорта ҳийла ишлатиш керак эди.

- Шапағ, дедим унга, катта тўпинг каерда?
- Қўғирчоқларимнинг олдида, нима қилди?
- У ерда йўқ-ку!
- Ха... ўлгур, сен олгандирсан, хозир берасан, бер.

Мен илжайиб туравердим. У овутиб турган укамни қуйди-да, қўғирчоқларининг олдига югуриб кетди. Мен ҳам «лип» этиб ҳужрага кириб, ҳўқачадан ёғ ўйиб олдим. Ёғни бир қоғозга турмучлаб, липпамга қистирдим. У ердан чиқиб ўтинхонага кирдим. Кулранг товугим пиёздан қилинган меяк устида туғиб ўтирар эди. Секин бориб, қанотини кўтариб қарасам, аллақачоп туғиб бўлган экан, лекин оналик мехри билан тухум устида босиб ётар экан. Тухумни олдим. Товуқ қақалаб қочди.

Уртоқларимга яхши кўриниш учун, расамадда кўрсатилмаган бўлса ҳам, ёғ ёнига тухумни ҳам қўшиб слиб боришни ўзимга маъқул қилган эдим. Зинғиллаб кўчага чикиб кета бошладим. Ошхонамиз йўл устида бўлганидан, онам кўриб колди.

— Ҳой, жувонмарг, зумраша, тағин кучагами? Бу ёққа кел, оловни жунаштириб кет, тутай бериб кузимни кур қилаёзди.

Ноилож қолдим, тухумни қалпоқчамга солиб, кийс олдим-да, ошхонага кирдим. Онам мени тергай бешлади. Мен жимгина қулоқ солиб, ўчоқнинг ёнига уўцкайиб, ўт қалаштырмоққа бошладим.

Мен билмаган эканман. Утнинг тафтига липпамдаги ёг эриб, почамдан окмокда экан. Ойнм кулидаги хамир ёйиб ўтирган ўклов билан бошимга астагина урди.

— Жувонмарг, кап-катта бола, уйлансанг боланг булади, шу ерда, шундай Фотиман Захронинг дастгохлаги булган кутлуг ерда сийиб ўтирибсанми?

Ойим бошимга ўқлов билан урганда қалпоқ тагида булган тухум пачақланган эди. Унинг сариғи оққа аралашиб, чаккамдан сирқиб, юзимга оқмоқда эди. Ойим: «Бола бечоранинг бошини ёриб, катигини чиқариб юбордимми»,— деб эси чиқиб кетган экан. Мен булсам, халфана қиламиз, деб ўмарган ўғирлигим очилиб қолганидан, бир чеккаси қўрқиш ва бир чеккаси уй ичидагилардан уялганимдан, ошхокадан чиқиб, кўчага қочган эдим. Ёг эриб оққан, тухум синган булганидан, халфаначи ўртоқларимнинг олдига боришдан маъно чиқмас эди. Кечқурун уйга қайтиб келиш ҳам мушкул, нима қилиш керак, қаерга бориш керак?!

Уйлаб-ўйлаб топдим. Саъвонда битта аммам: бор. Шіуникига бораман. Узи бефарзанд. Узи хам, эри хам мени жуда яхши кўришади, буларнинг уйида киши верижмайди ҳам. Аммамнинг эри мўйнадўз — косиб. Бола-чақалари бўлмаганидан, уйлари бизникига ўх-шаш тўс-тўполон эмас — йигинчоқ, иннайкейин, буларнинг уйи салкам ажойибхона. Унда дунёдаги ҳамма нарса бор.

Овга киришадиган соҳибчангал қушлардан — қарчиғай, миққий, қирғий, уришадиган қушлардан — дажаңгхуроз, оддий хуроз, амиркон хуроз, каклик, бедана (бу сунгги иккиси сайраш учун ҳам боқилиб, чуп қафасда, турқовоқда сақланади).

Сайрайдиганлардан: қумри, саъва, булбул, майна ва бошқалар. Булардан ташқари фақат уйнинг зийнати учун боқиладиган битта ов тозиси, битта куппак, битта лайча кучук, беш-олтита болалари билан куппак, битта Бухоро бароқ мушуги бор эди.

Уларнинг уйидаги гулларнинг-ку сон-саноғи йўқ: гулбеор, гулраъно, гулсафсар, гулҳамишабаҳор, қўқонгул, қалампиргул, намозшомгул, самбитгул, атиргул, картошкагул, қашқаргул — ишқилиб, санаб тугатиб бўлмайди.

Поччам билан аммам бу гул, бу ҳайвонотларнинг ҳар биттасини нуридийдаларидай парвариш ҳиладилар. Ҳар ҳолда, менга ўхшаган ўйинҳароҳ болалар учун бу ерда эрмак топилади. Зерикиб ҳолмайман.

Аммам ва поччам мени эркалаб қарши олдилар.

- Кел-а, бўйингдан гиргиттон бўлиб кетай, сени кайси шамол учирди, акам тирилиб келдими, халигина ковогим учиб турган эди,— деди аммам.
- Ҳа, балли, азамат, неча кундан буён кўзим учиб, йўлпашша айланиб юрган эди, ҳайтовур яхшиликка кўринди. Сен келар экансан, балли-балли,— деди поччам.

Мен бу эркалатишларидан жуда талтайиб кетдим.

Поччам ҳар куни тўққиз пул чойчақа беради. Мен пулни олиб, кўчага шаталоқ отаман. Бу маҳалладан ҳам янги оғайнилар орттирганман. Камалак отамиз, ошиқ ўйнаймиз, ит уриштирамиз.

Бир кун поччамнинг кўппагини яшириб олиб чиқиб, уриштирдим. Олдинги бир оёғи синиб қайтди ва бир умр чўлоқланиб қолди.

Ез пайти поччамнинг ўртоклари ковун сайилга чакирган. Бир тарафи ҳайитлашиб ҳам келаман-ку, деган ният билан ёнига тозисини, ҳам қарчиғайини олиб, матраб кўтариб уч-тўрт кунга далага чиқиб кетди, кет тар олдида менга учта бухор танга¹ бериб:

— Қушларнинг овқатидан хабар олиб тур, очиқиб қолмасин, — деб тайинлади. Мен жуда қувондим — мана энди ўсиб ҳам қолдим, ёшим ўн тўртга кирди, одамлар менга ишонадыган бўлиб қолди, деб ич-ичимдан севиндим: кимсан миққий, кимсан қирғий, дегандай соҳибчангал қушларнинг ихтиёри менинг қўлимда.

Қушхонага кирдим, уйнинг бир бурчагида миққий, бир бурчагида қиргий — бошларини ерга тиқиб, қўн-

доқда ўтирар эдилар.

Ов қушларининг тезаги оппоқ бўлар экан. Қатиқ ичармикан-а? Албатта, қатиқ ичади, Сўлмаса тезаги оқ бўлмаса керак, деб ўйладим.

Аммамдан яшириб, ошхонага кирдим-да, катта хурмачани кўтариб бозорга кетдим. Бир тангани майдалаб, бир пақирга (икки тийин) бир хурмача қатиқ олиб, уйга келдим. Икки косани қатиқ билан тўлдириб, ҳар икки қушнинг олдига қўйдим. Ҳар икки қуш ҳам овкатта қўноқдан туриб сипоҳгарчилик билан бир кўзлаб қаради-да, юзини чиртта тескари ўгириб олди.

Нима ҳам ҳилса зотдор, таги кўрган ҳушлар-да, киши олдида оч бўлса ҳам овҳатга ҳарамайди. Товуҳ бўлганда эди, пастлик билан уялмасдан ўзини овҳатга урар эди, деб ўйладим. Қушхонадан чиҳиб кетдим.

Орадан икки-уч соат ўтказиб, яна қайтиб қушхонага кирдим, сипохи кушлар хали хам ўтирган кўндогилан тушмай, овнатга терс қараб ўтирар эди. «Чумчуқдай жони билан буларга сипохгарчиликни ким қўйган экан, иззат-обру булса килдим, биров овкат еяётганда караб туриш яхши эмас», деб чикиб хам кетдим. Тағин нимаси қолди! Жахлим чикди. Қушхонанинг қирмагул қозиғида поччамнинг қуш қўндирадиган ов қўлқопи илиғлик турган экан. Кўлимга кийиб олдим-да, микқийни кутардим. Бутимга қисиб, оғзини йириб, кумуш ичира бошладим. Обдан тўйди, кошик билан қатиқ бошка кушларни хам шундай килдим: «Ана энди тўй» диларинг. Киши бир ерга қадалиб ўтира берса хам чарчайди, қорин тўқ бўлгандан кейин киши толмайди. Мана энди ўтира беринглар, қорниларинг тўқ — қайғуларинг йўк».

Шу хилда икки-уч кун аммамдан яшириб, ўз бил•

¹ Бухоро амирлари замонасидаги кумущ танга. Бизнинг **ўн** беш тиžинга баравар.

гимча қушларни қатиқ билан сийлаб юрдим. Қушларч нинг ичида ўзим яхши кўрадиган биттаси бор эди, ун• га бошқалардан яшириб, қатиқнинг юзини берар эдим.

Учинчи кунга борганда эрта билан қушхонага кириб қарасам, ҳамма қушлар қўндоқдан пастда — ҳаммаси ҳурпайган, бошини ичига олган, айниқса миққий қундоқ тагида бир қанотини остига солиб, оёгини баралла узатиб, ёнбошлаб ётган эди.

— Ҳа, мана, бу киройи иш бўпти,— деб ўйладим.— Ярим қоронғи уйда ҳадеб қўниб ўтира бериш ҳам кишини зериктиради. Шунаҳа ўтириш-туришни ҳам қилиб турган яхши, ёнбош қил, ёт, кериш.

Нахорликка қушлар яна қатиқ ичишди, тушлик нонуштаси учун сузма бермоқчи эдим, чунки бечора

қушлар жуда ҳам ёвғонсираб кетди.

Қушхонага кириб, не кўзим билан кўрай? Миккийнинг кулоги остида қолған, яънш ўлган эди. Қарчиғай хам жон берай деб турибди. Масала менга равшан була бошлади. Энди поччамга нима дейман! Бу кушларнинг хар биттасини у кузининг корачигидай курар эдику. Бу ердан хам насибам узилгандай куриниб кетди. Поччам кушларга овкат олиш учун берган пулдан икки тангаю бир мириси хали ёнимда. Катта дарвозанинг рупарасидаги йулакнинг тепасига кафасда осиб қўйилган бир жуфт қумрини жуда ҳам яхши кўрар эдим. Аста бориб, қафасни илгагидан чиқардим. Бошимга қуйиб, катта сафар учун йулга тушдим, аммаш мушукларга шовла пишириш билан овора бўлганы учун, менинг чикиб кетганимни пайкамай колди. Белимда пул. бошимда савағичдан тукилган катта қафасда кукулаб турган бир жуфт қумри. Этакни турмаклаб, сағримга бир муштлаб, «хайё, ху» деб, шахардан ташқарига қараб йўлга равона бўлдим.

Мен кетарман йўлда йиғлаб, сен қолурсан зор-зор, Қумри қушнинг боласидек иккаламиз интизор. Интизорлик торта-торта танда тоқат қолмади. Йўл чивиндек сарғайиб, юрарга ҳолат қолмади. Йўл чивиннинг ҳолини йўлда йўловчидан сўранг, Биз ғарибнинг ҳолини ақли расолардан сўранг.

Бир талай манзил-марохил йўл босиб, кўп юриб, кўп юрсам хам мўл юриб, Аччабод деган «шахри азим» га борганимда, бир тўда катта-кичик қора-қура ўспиринлар атрофимни ўраб олишди. Ораларида жуссаси менга бир яримта келадиганлари бўлгани каби

тўрттасини бир мушт билан қулатадиганлари ҳам бор әди. Аввалига яхшиликча қумрини сотишни сўрашди, кўнмасам зўрлик билан олиб қолишлари менга маълум бўлган эди, чор-ночор сотишга кўндим, олғирлар қумрини молга алмаштиришни зўрлаб илтимос қилдилар. Қумрини молга мовоза қилдим, молнинг турлари қуйидагилардан иборат:

Уч дона галвир гардиш, битта ёгоч шақилдоқ, икки дона болалар ўйнайдиган ёгоч бешикча, битта териси ва гардиши қизилга бўялган чирмандача, битта туташ дасталик курак, икки чайнам сақич ва бошқалар...

Мендан кетдими, улардан кетдими — худога аён. Таваккал, ё остидан, ё устидан.

Бу юклар қумрига қараганда икки баравар кўпрок оғир эди. Хаммасини елкамга қуйиб, бу шахардан хам чикиб кетдим. Олдимда катта бир чўли азим пайдо бўлган эди, «куш учса каноти, одам юрса оёги куядиган» бу чўлда елкамда бояги юклар билан кетиб борар эдим. Узокдан бир кишининг қораси кўрина бошлади. Мен унга, у менга қараб келар эдик. Нихоят, тўқнашдик, бу тўкнашиш менинг бехад ва бепоён хурсандчилигимга сабаб бўлди. Чунки бу киши ўз шахримдан, бир махаллалик, мендан бир-икки ёш каттарок Омонбой — Турсун пичоқчининг ўғли, ўз ўртоғим эди. Елкасида етти ярим кадоклик кетмон — мардикор ишлаб юрган экан. У менинг устимдаги юкларни кўриб хайрон колди. Айникса, гардишни куриб мени чалма куйиш учун кишлокка чикиб кетяпти, деб ўйлаган экан. Йўлнинг чеккасига чикиб, бу чул-биёбонда булган яккагина жийданинг салкинида ўтириб хасратлаша кетдик.

Якка жийдада мева кўринмас эди. Мен Омонга жуда биладиганлардай маънодор қараб:

- Жийда солкаш¹ кўринади, бу йил мева қилмапти,— дедим. Омон менга қараб кулди.
- Вой, аҳмоқ. Ҳозир саратон. Саратонда жийда мевалари данагига алиф ёздириш учун Маккага кета-ди. Бир ойдан кейин мевалар қайтиб келади,— деди. Мен эсимдан чиқарган эканман.

Хар икковимизнинг ҳам дунё қидириб, бахт излаб юрган ўспиринлигимиз маълум бўлди. Молу жонни бир қилиб, аҳду паймон қилишдик-да, катта улуғ сафарни мўлжал олдик. У ҳам келган изи билан орқага

¹ Бир йил қосил қилиб, бир йил қосил қилмайдиған мева дарахтлари солкаш деб аталади.

найтди, биргаланию, «чўли малик» билан кетар эдик. Кечга якин жуда хам катта бир «шахар»га кириб бордик. Бу шахарикиг оти Кўктерак экан. Уртогимнинг ёнида мардикорлик билан тепган пули — миркам икки тапта, менда бўлса қатиқдан қолгап икки танга бир меро пул бор. Самоварга тушдик. Бозорни кутиб икки-уч куп шу пуллар билан самоварга тунадик. Жума куши бозор эди. Эрта билан бозорга чикдик.

Хай-ҳай, бозор бўлганда ҳам қандай бозор денг? Бу томони Эрону Турон, Маккаю Мадина, Майманаю Майсара, Хитою Чин, Истамбули Мозандарон — на куйи, на паст, на ўнгу, на чап. Бундай катта бозорни одам боласи кўрмаган бўлса керак. Бозордаги расталарни айтинг, молларнинг шиғал тўлиб кетганлигини айтинг, бозор аҳлининг турланганини айтинг. Савдогарларнинг маккор башараларини, ранго-ранг кийимбошларини айтинг. Бай-бай, бундай бозор «Қиссасуланбиё»да ҳам, «Ҳурилиқо» деган китобда ҳам ёзилмаган, ҳеч қаерда — тарихда йўқ.

Мана, бир чеккадан томоша қилинг! Мана бу атторлик. Енр қатор атторлар эски қоп, яғир шолча, йиртиқ буз парчалардан қизил, оқ, кук, яшил лахтак куроқлардан турли-туман соябонлар ясаб, молларни бевосита ернинг узига ёйиб қуйибдилар. Бу моллар ичида жахондаги атторликнинг ҳамма жиҳози топилади. Бит, бургага қарши ишлатиладиган улдирилгақ симоб дейсизми, қутирга қарши индов ёғи, ёмон ярага қарши хуни дори, мози, занжабил, санойи макка, кучала, кузмунчоқ, думалоқ упа, курпа игна, соқол тароқ, ҳалилан занг деген кувват дори, иштонбоғ, иштон поча, бухор сақич, қора сақич, ҳар қандай ярага дори булган бальзаммой, қалампирмунчоқ, томир дори — қуйинг-чи, ҳамма нарса бор. Ирвит дейсиз, Ирвит!

Бу молларни саралаб турлаганга, бир ерга жам қилишга ақли етган кишига қойил қолавериш керак.

Ана, некинчи раста! Вир томонда кулоллик моллари, бир томонда сопунгарлик. Сопол тогора дейсизми, тогорача дейсизми. хумдондан янги чиккан хум дейсизми, хурмача, хукача дейсизми? Чертиб куришга махтал жаранглаб кетади.

Бир томонда кулча совун, яхнак совун, мум шам, Совунгарлар олдида қопда, хуржунда ҳаром ўлган молларнинг жиззаси, ичак-човоқлари. Минг-минг зангори пашшалар гувиллаб турибди. Булардан бир қадоқ совун олмоқ учун ё димогни рўмол билан боглаш керак

ёки бурунни енг ичига олиб туриш керак. Баъзи хушмуомала совунгарлар харидорни алахситиб, ўзига жалб килиш учун бир пиёла чой, бир бурда нон ҳам таклиф килиб қўядилар. Дунёдаги ҳидлар ичида совунбозорнинг ҳидидай «хушбўйлик» жаҳонда бўлмаса керак. Кимга нима ёқади? Омонга совун бозор ёқар эди.

Бу бозорлар ичида менимча таъриф-тавсифи етти иклимга кетгани «бит бозор» деб номланган раста булса керак. Бу ерда жонныгизга ором берадиган хамма нарса топилади: салдоти шим дейсизми, пойма-пой сагри кавуш дейсизми, бирор етти йилгина кийилган, асли матои нима эканлиги маълум булмаган гуппи дейсизми, Маллахон замонидан колган мурсак дейсизми, чевар кизлар учун ранго-ранг куроклар дейсизми, от буктаргиси, ёлпуш, гулчин билан тагчарм куйилса хали кийса буладиган нимдошгина сахтиён махси дейсизми, пайтавабоп молларнинг ва лунгибоп матоларнинг сон-саноги йук.

Бу молларни ёйиб ўтирган чайқовчиларнинг афтбашарасини айтмайсизми. Бетларига бу ҳафта ичи сувтегмаган, соқоллари устарадан озод, башараларидан кнур» ёгилиб туради. Бирор молни сўраб қолсангиз, энг аввал худди аммасининг ўгли тирилиб келгандек, албатта, қўл олиб сўрашади, кейин нарх айтади. «Амиркон-амиркон» деган жой бор деб эшитиб юрар эдик, амиркони шудир-да!

Худди ана шу бозорда ўз махаллам, ўртогим, бўйинчадўз Омонбийнинг ўгли Хуснибийни учратиб қолдим. У ота касбини ўзгартириб, лахтакфурушлик килиб юрар эди. Лахтак деб хар бир туп молнинг тагида қолганини айтилади. Чунончи, бир туп читни газлабгазлаб сотиб бўлгандан кейин охирида тўп таги бўлиб, ярим газ, чораккам бир газ лахтак қолади. Бу лахтакларни катта читфуруш газламачилар арзонрок бахо билан кутармачиларга сотадилар. Улар бу ранг-баранг, гули-гулига тўгри келмайдиган турли-туман лахтакларни хуржунга солиб, елкага ташлаб, бозорма-бозор сотиб юрадилар. Энг каттаси бир ярим газдан ошмаган бу лахтакларнинг харидери куп булар эди. Чунки бир газ арзон чит саккиз ярим пакир (бир пакир — икки тийнн) бўлгани учун бош-оёк кўйлак-иштонни нукул читдан қилиш куп камбағалларга муяссар булмас эди. Шунинг учун улар кўйлак-иштонни бўздан қилиб, кўйлакнинг енг учини, иштоннинг почаларини - куринадиган жойларини читдан қилишар эди.